

摘藻堂四庫全書薈要

集部

欽定四庫全書薈要卷一萬六千二百四十四集部

秋澗集卷八十八

元 王暉 撰

烏臺筆補

彈趙春奴不孝事

廉察到在都薊寧坊人匠趙春奴將伊親母阿焦生不
奉養棄絕在外餘二十年於今年五月內客寄患病有
伊母親妹梁阿焦遣人報知其趙春奴並不前來侍疾
至十九日夜母阿焦身死其院主陳姑兩次專人告哀

本人又不奔赴停至午轉方纔前來已是帶酒並不舉
哀又無衰絰復發怨言雜以穢惡又禁伊妻不合哀哭
遂將靈車用驢駕拽便行出送春奴隨逐道中又不哭
泣亦無戚容言笑自若里巷人衆指詈不孝其逆心終
不悛悔反生嗔怒先行去訖有姨弟梁從振者告到匠
官黃元帥教依禮持喪出殯本人故將喪事畧不成禮
只於當晚焚燒了當詳此情逆世所不容今京師風化之
原憲臺肅清之府其趙春奴既為人子其於母氏存歿

之際梟獍其心絕滅人理較量惡逆孰大於斯其在國
家實傷風化據此合行糾劾伏乞御史臺照詳痛加懲
戒施行

論鈔息復立常平倉事

竊惟天災莫重於凶歉國計無先於貯儲蓋儲有餘則
國用足國用足則民賴以足今天下大約公私之間曾
無蓄積以備凶年况即日自中都而南蝗旱水滂十有
餘路雖未至甚害萬一失所官須存卹然不過發倉廩

免租稅重為賑濟而已此特揀荒於一時其於經國遠圖則未也以某愚見莫若復先帝常平之制就各路已有之倉令有司預為修理講明定法不使有名無實昔唐以稅茶等錢為義倉之本深為便益參詳合無亦將隨路平準行用鈔庫工墨鈔息增餘現在等鈔分標州郡作常平粟本就合本路轉運司兼以提舉收糴勾當續用逐年所得錢數源源不已則三年之間百萬石之粟可不勞而辦是常有一年之蓄矣又會驗得常平倉

國家自丁巳年初立明年戊午宣德西京等處霜損田禾穀價騰湧百姓缺食官為減價出糶民賴以安此先事之效也兼安便官民其利有五且不動官本無害經費取辦於息取息之法又無窒塞一利也歲或饑饉就未全濟使民心先安大有指擬不必家至戶到感念思惠二利也其力穡之家又知國家貴穀賤貨務農大本使趨末之徒爭緣南畝不致有過賤傷農之嘆三利也至若軍旅調度糧餉為先比歲軍興動以和糶若常平

一立除屯田糧及正稅外復有百萬餘石之穀積於中而壯於外時和歲豐民無所仰權以濟軍雖調度加倍民無和糴之擾軍免闕食之虞四利也歲稍不豐平價出糴鈔本不失人賴以安使市廛之徒絕幸災貪利之心貧乏之家脫轉死流移之替五利也若夫平糴常平富人社義等法歷代相沿莫能便易能一旦舉而復行則天下幸甚所謂不害經費為國遠圖良以此也據此合行呈覆

彈縣尉楊政事狀

體察得今年十一月內有在都住人崔提領將博州人
戶丁五十妻支丑女作逃婦捉拿及稱被捉支丑女時
有老劉等將皮帽金經卷兒等物奪了其崔提領與伊
相識人大興縣現任縣尉楊政一同於施仁門關不居
公廨問得支丑女不係逃婦明有根脚不容分析崔提
領將支丑女繩索鎖訖分付楊縣尉收禁責逼本婦狀
稱因夫丁五十赴都作夫患病前來探覩到永清縣河

西務被崔提領作布呼齊捉住黃夜强行奸污問出如此詞因其縣尉楊政並不行移有司理問枉禁支丑女數日將崔提領所撫老劉等奪訖金經卷兒等物却勒索支丑女要賠鈔六貫方纔將支丑女保出使本婦無處申訴為此就喚到大興縣尉楊政問得所說相同除前項支丑女等一起公事省會本縣尉司行移本縣依理施行外據縣尉楊政係京畿捕盜正官有此違枉合行糾彈

彈馬全擅科鈔事狀

今體察到管上都路洪贊馬站貼戶提領馬全自至元二年正月至五年十月終於所管站戶劉澤等處除正站祇應錢外擅自科斂雜泛錢鈔二錠一十九兩九錢問得馬全招伏是實兼馬全年七十七歲老病不任勾當合行糾彈

為收刈秋青草等事狀

照得每年和買應辦稈草不下六七百萬秤纔得敷用

竊見燕京順天等處蝗蟲水滂若全依年例和買竊恐
臨時耽悞合無藉此秋間令從長計置秋青等草如法
積垛向前兼帶支持用度官民似為兩便據此合行具
呈

為私被衣甲事狀

欽奉聖旨條畫內一款節該諸官吏將官物移易借貸
者委監察糾察欽此近於五月十三日在都百姓人等
私賽神社其人徃徃被執兵甲遊歷街衢前後數日及

馬有挂全副甲者今體察得此項器甲俱係在京諸色
官員人等處借到叅詳甲兵國家重器又欽奉聖旨已
有明禁條例今來諸人冒法抵禁私假小民以為戲劇
甚非嚴制令而重武備也豈惟民不識法習以為常因
而別生事端據在都官員人等私相假借及合干部分
禁斷不嚴合行糾彈伏乞御史臺照詳懲戒施行

彈市令馮時昇不公事狀

今體察到在都前市令馮時昇於行鋪人戶處取受行

錢鈔六錠一十一兩三錢五分黃米七石麵一百觔制

府現行追賠其馮時昇却於今年四月間賚大興府保
解赴部求任省部依准將馮時昇遷除保定縣尉去訖
竊詳市令係八品職官其不公如此事發在官已有承
伏迺於總府告稱勾當以來並無粘帶亦無過犯其大
興府亦不勘當是否端的輒便朦朧保申是屬違錯外
據馮時昇負罪欺官僥倖冒進以之臨民何所不至合
行一就糾彈今後合無照到部人員曾管領錢穀者亦

於制國用使司會驗有無粘帶然後遷除庶望杜絕奸欺以厲來者

彈步站官王提領不公事狀

今體察得中都管步站官吏王提領崔把總徐令史等與自願當站百戶楊賸焦百戶等上下通同作弊於站戶百戶馮百亨等二十名處累次取斂錢物及剋落給散草料鈔取受羊酒逐節不公等事據此合行糾彈為在都回回戶不納差稅事狀

竊見中都親官民戶每歲供給和買夫役一切等事比之他路實為繁重今體察到本路回回人戶自壬子年元籍并中統四年續抄計二千九百五十三戶於內多係富商大賈勢要兼并之家其興販營運百色侵奪民利並無分毫差役照得欽奉先帝聖旨節該鄂托克做買賣輝和爾本蘇爾愛滿回回交本住處千戶百戶裏去者若稱有田產物業不去呵依以前聖旨體例裏見住處不採大小差發鋪馬祇應與民戶一體當者欽此合無

照依累降聖旨處分事意取會見數分豁定奪驗實有
氣力與民一體當差庶得協濟不致靠損貧乏據此合
行糾呈施行

為陝西鄭縣隱戶計事狀

欽奉聖旨條畫內一款該載不盡應合糾察事理委監
察並行糾察又會到陝西行中書省文符該欽奉聖旨
節文拘刷本路外來交叅折居放良等戶若州縣官如
能用心將民戶拘刷盡數到官遷官給賞如有隱藏定

是降官治罪欽此今體訪到京北路華州官司將鄭縣
刷出漏籍等戶六十二戶並不申報上司私下取斂差
發今問得見有華州人劉德亨並與所察相同是屬違
錯據此合行糾呈

為蝗旱救治事狀

竊惟古之為國者雖值凶歉民無捐瘠困乏者蓄積多
而備先具也今隨路大蝗赤地千里就使撲滅已成災
傷其於貧民首先失所不無流移饑饉而救荒備患之

術不可不預為計料何則今日唯先安集民心最為急務故謹具愚見二十事伏乞御史臺詳擇施行

一隨路總管府今歲伏遇天壽節除祝延萬壽禮數外宜權宜停罷公宴庶表朝廷優恤元元不以已為樂也若然則雖古者聖王遇災減膳撤樂無以加此

一御河上下有糧倉分宜差清幹官檢括實有見在數目外據借貸裝散變碾及上年河運未

到倉粟數督勒所司嚴限閉納其通州李二寺等處應有露囤糧斛就水潦未動亦宜許諸人搬運赴都城倉其腳價止支本色亦以實京師可便濟窮民之一端也如挨陳者其闕食無生計之家驗口賑濟不然令所在弓兵早暮兼為巡防以備疎虞

一隨路商販積蓄之家官宜出榜驗彼中時估量添價值發賣仍禁不得擅恣高增物價如百

石以上不出糴者究治如官倉發賣其權豪
富戶所糴不過十餘石若詭名轉糴者仍為
究治

一隨路存留祇應銀糧如已到官者須上司明文
然後動文若百姓闕食緊迫處仍作急飛申
聽候許令賑濟其未納到官者盡行蠲免

一隨路站赤祇應如酒肉等物亦宜酌量減免不
然照依中書省劄付與順天路事理一體施

金史卷之六十一
卷六十一
行不然是則燕南二萬餘戶獨不被存卹之意也

一河間路轉運司應收到物斛不下五七萬石宜無令回易銀鈔驗元價值輸河倉使充正課以備軍國經費似為兩便不然如本路百姓缺食官定平價發賣

一隨處金銀丹錫等坑冶約五十餘所每歲穿火淘採不無損泄陰陽之和有無合止者正以

少養天地流運凝結應宜之元氣

一山林河泊之地所在皆辦外課合無權宜蠲免
聽民採取以供不給兼前世已常施行稍足
復禁如初

一山林原野係禁地去處如猪鹿鳧雁雞兔之類
亦宜許令打捕期以歲稍稔復禁如初

一隨路交鈔庫鐵冶所即目若有現在物斛去處
亦宜取會現數仰所在運司出榜照依元價

糴賣

一在都酒務開沽者應有現在稻糯官司亦宜見
數權令停止醞造此等事宜亦係前世屢常
施行

一捕蝗之際不拘諸色等人有才能識見規畫出
衆者籍記姓名事定量加賞用又嘗聞飛蝗
雖難打捕遇夜即須停止於坐落厚處旁挑
坑塹燃薪草使之明照四遠然後驚飛趕逐

蝗自必望明投赴衆力從而撲滅此說比比得濟合無試為之行竊恐亦一法

一莊農之民闕糧食者所在官司預宜出榜禁示不得推稱病疫私宰耕牛為食如博易米粟者聽准備翻耕出曝蝗子叅詳最為急務

一州府司縣官其被災重處有能規措存恤百姓不致流移饑殍者仰按察司考覈得實申臺呈省以憑不次陞用

一急遞鋪兵俱係貧難下戶若一處斷絕即時阻滯合無與中都迤北遞鋪一體給與糧食養濟仰所在官司專一存恤勿致饑困逃散

一每歲應辦官草收成尚然不敷今秋穀草顯見儉少宜趁時於無蝗去處收刈秋青等草將來兼帶支持用度

一莊農之民所認六色課程如酒醋等課今蝗旱如此有無權時停免或從實給辦稍安復舊

如

一隨路州府宜建立社稷蜡神壇廟令有司歲時致祭亦憫恤為民之一事也

一隨路自省減併隸州縣以後極有寬濶去處或有尉處多係主簿兼攝至有尉簿全闕去處如山東州郡所在雖有專尉其地廣物眾委係難於照管又體知得省部亦為此事先於東都路已行添設專尉了當今蝗旱災重如

此百姓嗷嗷竊慮迫於饑寒勢必多有盜賊
不無生事驚擾宜約量隨路緊要地面添設
巡檢使之鎮遏巡防以備不虞及邨堡設置
鼓面遇有警便互相應護

一隨路如富戶有力之家能周贍貧乏或設粥糜
於道以濟流民至千人以上者官為旌賞或
聽一子臨官

彈馬仲温橫斂錢物事狀

今察到在都曲河坊坊正馬仲溫因刷問逃軍於人戶
取訖寶鈔一十一貫八百文緣兩廂七十餘坊凡有事
務不無騷擾合行糾呈

彈呼都克婁阿薩爾不赴任所事狀

今察得淄萊路長山縣達魯噶齊呼都克婁阿薩爾前來
中都部夫勾當至十月初罷役本官不行還職令女塔赤
瑪哈穆特等於本路關訖自十月至十二月終俸鈔若不
糾呈緣呼都克婁阿薩爾請俸親民職官到今八十餘日

不行還職據此合行糾彈

彈王千戶冒名代軍事狀

今察到守把棗陽萬總管下千戶王仲賢至元六年八月內前來中都取發軍人其本官將合起正軍六名不令正身應役却行要訖錢物冒名替代今就責得本官下提控李德唐指證並與已察相同合行開坐糾呈

彈益津縣尹張文郁侵使鹽價事狀

今察到霸州益津縣前縣尹張文郁主簿李璋於至元

五年支不盡鹽折粟內侵使訖鈔三十三錠三十五兩
為此就問得州司吏杜唐佐並與所察相同據此合行
糾彈

為太廟中柱損壞事狀

今體知得太常寺申都城所呈相驗到太廟中心等柱
損壞訖一十四條訪聞先為劉晟監修太宮完備特注
朝官重加賞賚今者未及數年朽壞如此顯見當間滅
裂多不如法設若舊柱不堪自合改用新材以壯麗今

省部雖令劉晟用木填塞了畢終非可待歲月理合治罪以彰其咎至如太常寺近為經夏暑濕告出曝神室中羶罽有司尚恐褻瀆不從所請彼修補動作之際其震驚神靈比之曝煦褻瀆實為加重外據不經奏請即令劉晟修補震驚神靈事屬違錯合行一就糾彈候旨奪

為優恤襄陽軍人事狀

伏見中統建元詔條內一款節該凡征進軍人臨陣而

七被傷而死者其家屬理當優恤仍仰各路宣撫加恩
致祭量給衣糧優恤其家欽此又漢唐舊制軍士死者
致祭吏為衣裳棺斂轉送其家今聞圍守襄陽軍人經
值今夏疫癘致有死亡俱係沒於王事誠當推恩矜憫
有無照依已行事理或令所在官司送還其喪外據氣
力孤弱之家取會見數量加優恤非惟激勵將士實恩
慰民心感召和氣之一端也

為懷孟路新民不便事狀

竊見懷孟路新民三千餘戶雖俵居六處終瀕近大河
又不在本路節制之內已是未便兼所管鄭汪等頭目
俱係宋人中間官民恒相告訐輒生事端無歲無之又
訪聞得修武縣新民見發奸細利害等事此其驗也設
若狂妄無實人情詭碗終是不安合無將上項戶計隸
屬本路管領其舊管頭目依例與管民官一體遷轉不
然於職官內選素有威德足以鎮撫為總管亦是一便
蓋往年已曾令李同知宗傑於上安撫勾當一任之間

特然安靜此非其效驗乎據此合行具呈

彈兵馬司擅自鞫斷事狀

竊見在都兵馬司設馬步軍五百人係專一警捕衙門自去年至今年三月終強竊盜賊計六十餘起致有殺傷事主劫掠財物及本司公廨下為盜者蓋當該官兵不為用心滋多如此三限不獲行下取招並不回報其都轄上司縱令滅裂虛作行移亦不申明賞罰是作過之人無法可畏教之公行也都城輦轂之下庫藏倉廩

諸所在萬一窺竊深繫利害又間有收獲賊徒除事關
權勢不能歸結者方纔申上其餘無問輕重輒使鞫問
斷遣豈惟侵司越職竊弄威權但恐中間奸弊日滋實
為害事兼是司自來並無囚繫鞫問斷遣之理今後有
無止令兵馬司據應獲盜賊畧行取問即便解府歸結
施行外據本盜起數已獲者賞未獲者罰如此庶望上
無縱恣虛行之實下革違錯自專之弊賞罰既明民知
所畏京畿之間不待歲月作過之人將自消弭據此合

行糾彈

彈大興縣官吏乞受事狀

今體察到至元六年三月內有施仁關娼戶魚三嫂赴大興縣告稱男婦阿肖欲行私遁還家想見別有好事有周縣尹并司吏張榮祿將阿肖枷收輒行推問指稱昔曾與劉和尚安三通奸隨即撲捉各人不見却將平人劉貴劉慶甫監收至當月二十一日有周縣尹將魚三嫂劉貴巷長張仲義等公廳省會休和了者至二十

五日有魚三嫂要訖親家肖大買休鈔一百四十兩及
劉貴安三劉住安休和鈔九十兩當官有本把張榮祿
取要訖劉貴等家錢物鈔三十八兩九錢紵絲二疋又
有打合休和人罷役司吏張權縣要訖安三鈔一十五
兩祇候人馮首領董面前要訖鈔九兩打合人韓大處
見收鈔一十七兩有周縣尹教休和了當為此喚到司
吏張榮祿等畧行問得是實就追到鈔六十三兩紵絲
二疋贓狀至甚明白據本縣官司止合依理歸問阿肖

不合背夫欲行私自還家罪犯外據想見別有奸事一節係是稱疑詞因別無可驗顯跡依例不許經告官司便行推鞠令阿肖招說曾與劉和尚安三通奸輒生事端亂行撲捉搔擾收禁兼魚三嫂娼優之家官司不為詳審致令當行令史收受錢物為無憑據休行省會休和如此開閉倖門撓亂公法事屬欺枉合行糾呈

彈良鄉縣站官私取工俸事狀

今體察到良鄉縣管站官王提領等至元四年至元六

年於站戶納到祇應錢內侵支訖鈔數為此就責得司
吏王仲筠狀供管站官吏於至元四年至元六年祇應
錢內侵支訖鈔八錠二十五兩五錢據此合行糾彈

為孫彈壓代軍事狀

今察到左衛親軍總把張大亨下彈壓孫旺至元七年
二月代替訖哨馬劉本戶軍役周歲雇軍絲一千兩已
得訖絲一百兩就取問得孫旺招狀是實據此合行糾
呈

彈固安州官吏剋落鹽折粟價錢事狀

今察到固安州官吏將至元三年鹽變粟數作至元四年鹽粟見在報過大興府依已報四年粟價每石四錢五分追鈔其固安州却分出三年粟數依當年粟價每石六錢追鈔為此就責司吏張安仁狀供當元係司吏于仲淵等將三年支不盡粟六千四百四十四石二升作四年見在報過在後總府依四年粟價每石四錢五分追要鈔數此時照出三年粟數并價值于前州官劉

州判處商量蒙擬定二年粟數止依當年粟價每石鈔六錢追收見收到鈔二千七百兩五錢四分得此文狀扣算得三年比四年粟價每石多鈔一錢五分計多餘鈔一十九錠十六兩六錢據此合行糾彈

彈東安州官吏尅落益折粟價錢事狀

今體察得東安州益折粟價至元三年每石六錢至元四年每石四錢五分除起納就支喂馬駝外至元三年見在粟二千六百九十二石至元四年粟八千八百七

十五石五斗二升一合七勺有司吏李讓將三年粟數併作四年見在申報在後大興府驗已報四年見在每石徵鈔四錢五分其當該司吏李榮并提控楊守榮却將至元三年粟數依當年每石鈔六錢追收比四錢五分餘徵鈔八錠三兩八錢畧問得司吏李榮招狀已取到三年鈔折粟一千五百四十石六斗五合計餘徵鈔四錠三十一兩九分據此合行糾彈

乞徵問取牧馬地草粟事狀

今察到涿州站慘占牧馬地內有熟地二百七十七頃
二十二畝每年召人租種每畝收粟三升稗草一束為
此取到管站官提領馬仲祥呈並與所察相同今扣美
得上項地畝每年計取粟八百三十一石六斗六升稗
草二萬七千七百二十二束且自至元三年為頭至今
四年計粟三千三百二十六石六斗四升稗草一十一
萬八百八十八束據此合行糾彈

彈東安州司吏不公事狀

今察到東安州刑案司吏張芮贓濫不公為此就責得
張芮招狀於至元四年十二月終劉全等處免刈葦草
要訖鈔四兩五錢至元五年免放李守政解鋸夫役要
訖鈔五兩至元六年七月於娼女常海棠家內飲酒逐
件是實即追到鈔七兩五錢再將本人審問無冤斷訖
二十七下勒停了當今將上項鈔七兩五錢隨呈解去
伏乞御史臺照詳施行

體訪保申令史曹士良狀

訪問得曹士良隻身於在都銅馬坊寄居住坐於今年六月內前往上都至今未回今就問得左廵院司吏張仲禮稱當間係燕王位下趙二奉御對警使警判保舉曹士良係真定路附籍人戶儒吏俱通以此准憑轉保申府了當今來竊詳既大興府令本院踏逐通經史令史一名自合公選可應之人其左廵院官却行徇情轉保訖自來素不諳知人員事屬違錯據此合行一就糾呈

彈涿州站官私使祇應錢事狀

今察到涿州管事官劉提領等至元四年至元五年於
站戶納到祇應錢內侵支訖鈔數為此就問得次官提
領馬仲祥稱本站官二員吏三名於四年五年祇應錢
內侵支訖鈔一十二錠是實據此合行糾彈

彈趙州平棘縣尹鄭亨事狀

今體察得趙州平棘縣尹鄭亨自到任以來聲跡至甚
不佳本官酗酒狂為連結朋比遊行私家無日不飲及

求娶娼婦展散不公挾弓放彈損傷人目如此非違事
理就問得本州司吏王柔張才稱與所察相同合行具
呈伏乞御史臺照詳施行

一本縣西關開門戶娼婦邢絨哥其鄭亨私先往
來於今年七月內求娶為妻照得舊例監臨
之官不得與部下百姓交婚雖會赦猶離之
况娶娼女戶主為婚叅詳縣尹字民之官務
在肅清所部禮義興行今所行如此事屬汚

濫

一自到任至今別無可稱聲迹與本路扇趙史
提控王太醫新提控日逐朋從遊行私家
飲酒無度如今春北寺救火其鄭亨乘醉
執持棍杖沿街驅率人衆致將小耿打傷
頭面叅詳應救而不救自有條禁罪名豈
得恣為毆擊亂行無法足見居官素無政
體事屬違錯

一於今年春令在縣祇候人屈首領引宅司鄭都管於縣西村分發訖馬尾羅兒約三百餘箇每箇要白米一斗無米斂鈔一錢四分其公然展散無所畏避事屬貪鄙

一今夏捕蝗自佛寺為頭迤西村分所至輒取要雞酒每飯殺雞數隻且天災如此農民磬罄困於捕役當此之際其鄭亨恬不為意飲酒食肉以悅口腹其為不恤無重於斯

一去年夏挾弓放彈將縣民曹博士左眼打傷
致令本人損傷訖一日無所告詣照得放
彈及投瓦石在庶民猶有明禁詳此縱或
誤傷亦無一方師帥民所具瞻挾彈行遊
彈射鳥鵲而為少年童子之事是為不應
合行糾彈

薦濟南士人楊從周事狀

蓋聞為國所重必在得人報恩之義莫大薦士今體

訪得濟南士人前監察御史楊清卿孫楊文郁天姿
雅厚而有文子史羣經多所浹洽今年近強仕經明
行修不求聞達侍庭闈以蔬水悅親居鄉里以教授
為業傳箕裘於三世罔墜先聲藹聞望於一方式敦
薄俗誠當代之孝廉士林之挺特也倘蒙省錄心有
可稱不惟激勸士夫進學之心庶幾媿奔形勢者於
肅清風化似不徒然謹具狀舉聞

彈中翼軍騷擾百姓事狀

今察到中翼侍衛親軍楊千戶崔百戶高彈壓下軍人自至元五年八月前來武清縣北鄉等處於民家安下每日取要飲食及遞互斂索馬匹草料至甚騷擾不安稍不應付恃賴衆力輒發惡言恐嚇侵凌無所不至每年直至來春三月方纔起離雖曾陳告縣官不能禁制使當差平民無所赴訴深為未便今就問得本縣東至孫家務西至牛人南至召香一十餘邨及取到百戶梁仁主首趙伯昌社長田祥等收供與所察相同據此合

行糾呈

彈漕運司差委官非理騷擾事狀

今體察到漕運司同提舉下委差唐古張千戶等於今年正月間騎坐鋪馬三匹前至武清縣北洪濟鎮將本鎮主首張聚等用繩子拴縛打拷非理取要飲食等物就責得張聚等狀供與所察相同看詳本鎮不係站赤路程遇有使客鋪馬飲食皆取自民間而漕司官吏每年不時經過其唐古等恃賴本司形勢如此縱暴不公

非止一次畧取今次強拉要訖物件并多取訖飲食數目合行開坐糾呈

彈李二寺倉損壞官糧事狀

今察到李二寺通濟廣濟二倉見在糧粟用露囤收貯其倉官不為用心以致倒塌訖露囤五十八座並不修理損壞官糧計九千八百餘石據此合行糾彈

彈右巡院准攔王得進事狀

今察到在都西曲河坊丁阿齊女心哥召到弘河人戶

王得進弟王千奴為婿於至元六年十一月內為病臥於積糞團標內凍餓身死並不停喪依理埋殯恐鄰佑知覺比及天明搥擗出城燒燬了當其丁心哥亦不持服於今年五月內有母阿齊接受訖本家安下數年今平準庫劉大使財錢鈔三錠金子六兩為妻了當又買與丁心哥女婦一名於八月內有王千奴兄王得進具狀告到右廵其本院官吏雖判內行並無取責却有坊正陳提領為與丁家關親遂折令折和至當月初四日

折和如此開閉倖門撓亂公法事屬違理合行一就糾
彈

論課稅戶隸總府管領事狀

竊見隨路運司見管課稅戶五千七百餘戶契勘係先
朝初立課稅所時將應設官吏就作本所戶計用之添
重氣力協辦課程今運司已立數年其官吏及院務人
員皆從朝省擬注據此等戶計實無所藉近體訪得尚
書省遍行隨路如遇婚姻田產詞訟等事令總府運司

關會一同歸斷結者往往有之深為未當至如隨路與魯比之此戶尤重今已令總府管領近年以來至甚簡便合無除竈插戶外其餘並隸總府管領實為長便

論法官沈侃陞用事狀

竊見法官沈侃性端方通經旨知典故年雖耳順精神未衰於老成實具典型在司理誠為師表兼奉臺執法如侃者議斷公平情文兩得至此理宜陞用以表良能


秋澗集卷六十八

謹按卷八十七第二十四頁後一行錫刺卜丹舊
作舍里甫丁今改 二十五頁前一行拉薩里
舊作烈石立今改 二十七頁前八行劉古納
舊作納作乃今改

卷八十八第四頁後一行布呼齊舊作字蘭奚今
改 七頁後六行禪和爾舊作畏吾兒又蘇爾
愛滿舊作速兒蠻今並改 十四頁前四行呼
都克妻阿薩爾舊作忽都魯阿散今改 十四

頁前七行瑪哈穆特舊作馬合馬今改





總校官庶吉士 臣侍 朝

校對官學正 臣卜維吉

謄錄監生 臣袁 瑩

謄錄貢生 臣繆 瀛

欽定四庫全書薈要

集部

秋澗集卷八十九

九十

詳校官助教臣謝登雋



欽定四庫全書薈要卷一萬六千二百四十五

集部

秋澗集卷八十九

元 王惲 撰

烏臺筆補

舉河南士人陳天祥事狀

今體訪得河南府士人陳天祥沉正有為達於從政隱

居嵩山相近十年讀書種田不求仕進中統三年大名
宣慰司曾將天祥擢充新軍千戶勾當鎮守三汭等處
聊復効用已有能稱今國家經畧江漢得材為急其陳

天祥久播學優之譽適丁強仕之年合無就令河南行
中書省舉用以試所長

為盜賊糾治真定官吏事狀

今體訪得真定府即日羣盜公行或竊或劫無所畏避
據前月上半月內一夜之間失事者凡二十餘處如高
奴千戶任子齊等家縱火恐喝盜取財物是也其府官
司巡捕無方但薄暮聲鐘辨明啓閉使闔城之民過夜
驚懼寢處不安顯見府司官吏罷懦不職威令莫行不

能消弭擒制以致如此且真定為燕南劇鎮又連年蝗旱艱於衣食者衆此風大不可長叅詳上司若不早為規畫督責官吏嚴行禁止竊恐因而別生事端深繫利害據此合行糾呈

請禁治穢惡語言事狀

竊見中都市井小民行言立語多作穢談以至父子兄弟不能迴避行歷竊恐久而成俗以為尋常據穢濁風俗莫此為盛甚叅詳係有司不能肅清所部以致如此

燕京兆風俗之厚合行禁止以革薄俗

論居官身故等官員子孫承蔭事狀

會驗中書省欽奉聖旨條畫內一款諸取蔭官不以居官去任致仕身故其承蔭人年及二十五以上者聽照得今者身故官員子孫已擬叙蔭其居官去任子孫應蔭者至今未見施行外據致仕官子孫徃徃亦未蒙定奪如真定張宣撫子復前泰安州尹趙德庸子符是也卑職叅詳即今貪冒成風恬不知退如一二以理致仕

者宜蒙顯異若應蔭子孫反為遲疑不蒙定擬祇以身
故者聽叙是使為子孫者得父祖早故為幸非所以進
廉隅而激貪鄙也兼照得舊例諸養素丘園徵聘不赴
者子孫尚得以徵官為廕况職官清要歷年深遠者之
人乎理合比父祖身故者即令叙廕為當其居官去任
子孫亦合依奉聖旨條畫定奪施行

為救治蟲蝗事狀

蓋聞天災流行國家代有氣和則致祥氣乖則致異此

必然之理也。然災有大小，而蝗旱為最。今會驗得隨路節次申蝗蝻生發，至今月內計二萬一千九百三十三頃四十三畝，除已絕外未絕一萬五千八百六十二頃三十三畝，又有不見頃畝一百餘處。炎炎不已，深為可憂。如比年以來，山東等處連值蝗旱，民至有麩糠實掘黃精煮野菜而食者。雖包銀權倚而盡徵，到官課額訴難，而依前恢刃向非聖恩賑濟，鮮不饑殍轉死溝壑。今者蝗之氣勢滋盛如此，是上天之意，儆戒深至，誠不可

不謹苟非以德勝妖全藉人力恐百姓重困過於前日
其為利害孰大於斯今來叅詳其或大臣不和政事有
闕官吏不公百姓失所刑賞雖行而或戾風俗極惡而
未醇又如各路見禁一千三百餘人幽禁囹圄不無冤
滯加之用兵與役僉軍屯田包添絲銀協濟軍力分房
益戶輸粟餉邊遠近騷然未為無事從是而觀致傷和
氣恐此之由而又迤南州郡蠶麥薄收蒼蒼之民止望
秋成以供王事不幸繼以蝗旱萬一成災將若之何豈

惟經費不足貧民衣食先乏衣食乏則饑寒至饑寒迫則盜賊生盜賊滋則非國家之便也竊見朝省近年以來救捕雖力終莫殄絕不過差官督責州郡併力撲滅不致流殍而已未有以時事言者以某愚見為大臣者當恐懼修省恪儆天戒任責極言陳其所以不然竊慮朝廷不能盡知何則方今天子在上聖慈神惠子愛兆民哀矜憫恤軫慮惟切今災異如此又恐遠方小民不知存恤之意誠宜緩不急之務下寬大之詔發倉廩

賑貧乏致禱山川為民祈謝據被災去處驗其輕重量
減今歲差稅又宜先遣相臣分省中都使鎮撫中外規
畫事宜以安以慰庶望京畿之間民心妥帖物不湧貴
災沴漸消民易為力不致重困因而別作事端

為犧牲在滌不及九旬事狀

蓋聞國之大事實先祀典祀禮以敬為主物品以潔為
先故唐金之制大祀養牲在滌九旬中祀二旬今體知
得太廟歲祀犧牲有司臨時取辦在滌不及兩月即用

就事看詳三牲之養遠期三月本欲盡誠敬而極精潔也今者大祀之禮降而甫踰中制於理實為未應誠有司之慢也合無照依舊例改正施行

舉陝西儒士楊元甫事狀

伏聞國朝議國學教胄子遴選師儒以充司業助教博士之職竊見京兆儒士楊恭懿姿稟高明學淹經史千言過目成誦不遺今年幾知命教授鄉閭其孝行足以化服一方其廉介足以振勵薄俗隱德丘園不求仕進

如往者兩省交辟欲置之幕府庶諮論議以勸將來至
職名祿養辭皆不受德業日新簞瓢自若誠清廟之珪
璋士林之杞梓也其或擢彼國庠置之館閣試其行能
可收實用又念即今上而監司下而州郡凡所薦舉多
蒙省錄其在憲臺尤宜獎率伏乞詳酌施行

為罪囚醫藥事狀

許獄
丞行

體訪得大興府監禁罪囚自今年二月初至今月二十
日節次死訖二十一人俱係因病身故竊詳見禁四百

餘人又照得隨路已立司獄官三十餘處即日暑氣蒸騰病者甚衆雖官差醫工輪流看治合用藥物悉皆自備如遇重症止是依例應付實非對症調合以致徃徃耽誤人命又念犯得罪當死不可於未鞫問及抵法以前因醫庸藥闕而以病殺之也其間雖有冤濫當宥之人悔將何及檢會舊例獄囚病患官給醫藥救療合無將應用藥餌官為收買給付獄官臨時對症用度庶望不致耽誤死損人命

論成造衣甲不宜責辦附餘物料事狀

伏見國家即目征伐四出所除甲器最為重事緣甲不如法所係人心勇怯勝負關於一時故鼂錯有云甲不堅密與袒裼同今體察得在都甲局并外路今年納到至元六年常課皮甲斤重不同者在都局有三十五斤及三十七八斤者真定順天東平等處却重四十斤四十一二斤者斤重既是爭懸生活不無好弱又體知得省部遍下隨路四十餘局取要排年附餘數目似有未

便者若上司元降物料一切合宜不當取要附餘既取附餘是元降物料上司不曾確實計料有無相應致有多餘之數若此是在有司立法當與不當耳至如弓局舊例每弓一張物料錢鈔兩貫又有傳忽都告減作一貫二百文聖旨為久遠生活上定作一貫四百文造弓一張上司既無打算工匠又甚便當卑職參詳今後亦合將衣甲事理再行定奪實用的中物料使一切合宜及甲之斤兩定擬畫一體例管得成造如法其稍有不

中程度者嚴行究治可也不宜責辦附餘以致官匠兩難兼衣甲難比其餘器械所貴堅良精緻乃主者之功匠民之能也若專以要取附餘為功不以甲之好弱為念一旦用之陣敵斷不能遮護身體有悞人命是有司以附餘為重以人命為輕也據此合行具呈

彈阿海萬戶屯田軍人侵占民田事狀

欽奉聖旨條畫內一款該兼并縱暴及貧窮冤苦不能自伸者委監察並行糾察欽此今察到武清縣北鄉等

處有阿海萬戶下屯田軍人於至元二年倚賴形勢於
上司元撥屯田地段四至外強將諸人莊子及開耕作
熟桑棗地土侵奪訖二十餘頃俱是各家係稅地數往
年雖經陳告總管府行下本縣歸着本縣累次約會本
官不到至今不曾吐追就責得各地主狀供與所察相
同卑職看詳本鄉兩面河占中間地土窄狹今者強為
軍人奪占使農民至有失業者所謂兼井縱暴貧弱冤
苦不能自伸者莫此為甚據此合行糾彈伏乞御史臺

照詳施行今將侵占訖諸人地段數目開具如右

彈西夏按察司行移違錯事狀

今體察得西夏中興提刑按察司於今年二月內為奉
處納琳等^闕托克托和斯等告鋪馬瘦弱見無料食事備
詞申覆戶部為此追照行卷與所察相同今來叅詳各
道按察司凡有合申事理即令申臺照詳即與六部元
闕行移體例今有西夏中興提刑按察司官署銜連名
不經御史臺徑為申覆尚書戶部似為不應據此合行

具呈

論渾河泛溢請修治堤堰事狀

伏自今月內武清縣北鄉按部回至洪濟鎮值渾河泛溢其瀕水民家已為滄沒若湯湯不已大有可慮者因行視堤堰水勢東南至孫家務西北至本鎮南東西橫亘約十五餘里其堤堰低狹高濶不過丈餘又年深頽剝衝渲一土埽而已河水伏槽時視堤南平地尚下數尺東土脉踈弱土性善崩黃猫野鼠穿穴又多固不足

以禦大患捍水衝萬一泛決沛然莫禦而堤南二十餘
却人畜田廬盡為漂沒其害又非蟲蝗之可比也就問
得孫家務一帶去年秋已被災傷但不致太甚耳外據
灤陰縣東北沙渦口等處畧與武清縣北鄉事勢相同
即日縣西北近河堤南田禾已在水中及有滄死頭畜
合無專令各縣正官一員晝夜巡防堤備破決以望不
致疎虞纔候農隙令都水監官相視堤岸疎惡去處如
法修築使一方永逸以絕水患實畿內兩縣之大利也

其職當司察親覩利害不敢緘默自取言責據此合行
具呈

請立四方館事狀

伏見遠方朝貢使人每歲至京師者既無館舍以頓輒
於民間豪富之家倉皇安置似有未便者三堂堂大國
不以全盛之勢昭示遠人一也既擇朝官陪位豈非示
其文物有人然處之民家殆非得體又慮不無窺測民
間事情以見淺深二也至於騰移房屋相爭與奪之際

致被竊笑三也如近日交趾使人大中大夫黎仲陀中
散大夫丁拱垣等館於王子華家以及安置使貢物狼
籍於外者是也合無建立四方館以一切奉使處之如
此不惟聖朝盡懷遠遇下之禮抑使遠方來者觀上國
之光寵免夫三者之虞實為便當

彈漕司失陷官糧事狀

欽奉聖旨條畫節該倉廩減耗為私蠹害委監察並行
相察欽此伏見國家歲計糧儲必須百有餘萬方可足

用朝廷為恐中間失候爰自往年特改漕司併今劉最等提舉一切勾當故合設官吏內外必備奉委又為不輕所期盡心俾稱厥職今體察得數年之間其盜用失陷短少及糜爛等糧一十六萬四千餘石又察得至元五年未到倉糧一十五萬餘石除已經失陷外八萬九千餘石至今不知運納所在就問得實亦未必與所察相同間者省部摘差幹官親詣盡闕真本司欺昧止將六年糧數總作常數入納隨倉所收見在飾詞破說用

相抵牾中間虛飾明不可

闕

五年守凍糧斛

一十五萬餘石於本年

闕

人數目至今

年二月內尚有二萬餘石不知所向却稱至元六年糧
數至今年九月終隨倉起運交納止有二千餘石且綱
運先後交輸程期自有次第不應攙亂如此豈有五年
未畢委棄不問而復越漕六年新糧恐萬無此理詳此
一端其虛冒飾說槩可見矣叅詳上項事理不過非其
人故也蓋自古錢穀大計莫不精選才能清慎明著善

於其職者充之固非素不綜練挾私蠹公之人可以倚
辦因體察得本司官屬其劉最者拔自行間素乏心計
剛愎自用不有同僚佐貳者因不和同互相雄長上下
苟且用仍耽悞遂失關鈐致綱紐解弛廢壞如此至於
中外聞者莫不憤嘆其在有司理當云何其劉最又於
通州等處為起蓋倉廩用便已私營置物業撒橋梁而
阻滯驛程奪民利而一空舊渡倉司既非久諳運道又
不快便公私之間兩有所害今復故作重賣國用其為

私蠹害人所當問照得欽奉聖旨節文該勾當了的公
事不稱所倚付的心據劉晟等廢亂職務不稱所倚孰
大於斯據本司官吏不為盡心大失闕鈐宜一切替罷
公選廉能清慎善於其職者充之及隨路河倉楊村守
凍失陷損壞已未納見在糧數乞選差清幹職官親詣
盤詰如此庶望上下一新積弊可革不然無以飭厲其
餘以救將來外據都城內外倉分有無照依漢唐故事
隸屬司農司兼行管領深為長便其職司言責利害深

重愚衷所激誠不敢避忌罔盡所言合行一就糾呈

論復立博野縣事狀

照得至元三年欽奉聖旨節該州城畸零去處不滿千戶者斟酌改併民戶多者從長定奪更當衝要驛程不須改併欽此今體知得自去年新抄戶後隨路州縣徃徃有至三四千戶者至今依舊合併管領極有不便當者畧舉順天路初州博野縣併入蒲陰縣分是也其博野縣即目諸色人戶二千八百餘戶中間百姓事不便

當者非一如科着船戶補闕蒲陰縣弓兵故將本處上戶商堅等六戶取充及撥降一切差役徃徃偏向不均至於送納賦稅勾攝聚集詞訟等事不惟徃復遠寫其沙澇磁三河經值秋夏水發淤漫相接抵邠州迤東一槩流行阻滯人難又兼本縣蠡州南至安平界首相去七十餘里正當衝要驛程爰自合併以來節次失過盜賊截劫訖官民財物致傷人命者無慮十數就問得本處人戶賈佐等與所察相同叅詳博野正縣理合依舊

復立縣事深為安便外據隨路見併州縣如新抄戶後
數滿千戶之上者亦合從長定奪復立舊治為當至於
隨路在先曾合併縣分為中間百姓不便已有復立去
處如上都縉山平灤撫寧真定贊皇太原樂平俱係三
五百戶縣道又如無城邑者又復設立如河間無棣縣
於八湖口置司延州延津縣於史迥店置順德廣宗止
於本鎮置司是也據此合行舉呈

論科舉事宜狀

伏見朝廷發明詔議科舉以取進士蓋欲明公道廣仕途以革徼競之風選人材收實用致隆平之化然聞禮部所擬止以經義詞賦兩科取人伏慮淺狹拘窒於國於士兩有未盡必期登俊良遠庸鄙總攬羣材經理世務蓋有後其所先先其所後者矣鴻惟聖天子渴於文治聽言如流凡所制作取唐為多兼國朝科舉之設自戊戌以後未遑再議天下之士往往留心時務講明經史捉筆著述一尚古文顧惟舉業多未素習一旦舉非

其人不適於用反為科舉之累矣今檢會到李唐之制其取士科目不常率相時置科以待非常之士其初試殿試止以策問取人如時務則試方略止五道直言極諫等策秀才則博學宏詞及道侔伊呂才堪郡縣下筆成章茂材異等皆其選之首也故得士之多唐最為盛以某愚見審量時勢必欲急得人材以收實用莫若以時務對策直言極諫切中利病有經畫之略者為首選何則試以殘宋為言自渡江以來以一隅之地偷生百

年者正以多士濟濟崇尚議論有用之學故也其次以博學宏詞兼試典禮議一道如禘祫齋郎之議者為中選其經義詞賦兩科乞轉經出題先為布告中外使學者明知所嚮謂如今年書明年詩限以幾時然後赴試其格律略除苛細如故實景象明水干羽金在鎔之類例皆為命題如此不致隔礙長材使得展手筆以盡其器能不數年則五經可以通治矣然後使天下之人知大聖人制作出於尋常萬萬其有用實學為聖朝英特

之選一洗遼金衰繭不振之氣豈不盛歟如此當國計者上可以副朝廷用儒之實下可以待俊造非常之士盡遺賢於網羅收實用於中外則文治之功隆平之化可計日而待矣某職當言責事或未便不敢緘默輒冒昧敷陳

彈博州路烏總管老病狀

今體察得烏庫哩奇辰殘忍嗜殺貪冒無厭向列東曹以尸祿位及審囚徒大致違錯今年近八十氣志昏耄

當官臨事轉瞬遺忘就問得本路司吏張玠與所察相同而復不時昏暈頭目發眩至提視衣物畧不知識欲望裁斷如流神明其政不可得矣兼照得博州路鞵管軍民三萬三千餘戶一方休戚繫在師帥今乃若此其於大小事為稍有蹉跌斯民何辜橫被抑屈若以老病不勝本官首宜論列合行糾舉以勵其餘

冬旱請祈雪事狀

竊見隨路蝗災經今數年山東河南其勢尤甚今遺種

遍地倘災更不已饑荒盜賊何所不有若及此出冬以來得三兩大雪庶可消弭以絕根種古語有云冬雪一尺蝗子入地可丈今去春節僅三十餘日照得中都及迤南路分自八月至今天不雨雪小麥青黃半掩乾土雖雲陰屢作終無大潤叅詳惟有以精誠感格神明致禱嶽瀆為民祈謝而已不然令各路總管府官或郡守躬親祀禱部內山川并社稷等神以示朝廷優恤元元至意庶望和氣一回普霑嘉瑞使民心慰安且忘積年

饑乏撲滅之苦

太廟祭器合改造事狀

伏念古之君子朝服祭器不假於人况太廟之祭器乎
今體訪得太宮大祭所用鼎彝等器多係殘宋賜功臣
家物如臣京敏中邦昌等器是也叅詳自古有國有家
者未聞祖宗神靈而以人臣所用遺器陳列為享於禮
誠為未宜然向者清廟初建每事草次未遑一新不得
不爾今後合無改造新器張皇一代緝典且極夫尊嚴

無上之義使聖子神孫傳之無窮不其盛且當歟

論求仕官就家聽候宣勅事狀

體知得吏部先奉中書省劄付該求仕官員每季遷轉
在後慮恐坐受擬令每月銓注今竊見隨路求仕官員
有自去年八月間摘勾到部經今七個月餘未蒙遷轉
中間百端生受客寄守待措借無所以致典賣鞍馬等
物供給盤費尚然不足不幸更值病疾因而身故尤可
矜恤即自在都聽除等官約二百餘員少者不下半載

又州縣闕員甚多似此淹延兩為未便今後合無將求
仕人員自到部月日為始限以旬月對憑引驗既畢省
會還家若有合祇受宣命官員將合授依舊例差人擎
送外授敕官員將敕命發付各路總管府收管令本路
祇受照依定去裝束省限催督赴任庶免人難據此合
行呈覆

彈大興府擅注案牘官事狀

今照得隨路總管府元設提領案牘官已是汰罷今體

察得大興府却將司吏韓仲禮充案牘官勾當叅詳總
府司吏除額設外尚不得增添人數今來本府擅自將
報過司吏韓仲禮擬作首領官與朝省差設經歷知事
一同繫歷勾當豈惟干名犯分其於格制是屬違錯據
此合行糾呈

彈四州濫給解由事狀

欽奉聖旨條畫內一款諸監臨之官知所部有犯法不
舉劾者為欺蔽罪五等糾彈之官知而不舉劾者為徇

蒙亦罪五等欽此又會到中書省條畫內一款節該各路州府司縣任滿官員當該官司徇情濫給解由體究得實申臺呈省今察到涿州等處州縣去官於任內侵使訖鹽錢工俸累蒙上司追徵並不還繳其代官到任亦不依公理問却行徇情濫給與無粘帶解由如此遞互欺昧上司致將合追錢鈔至今不能到官事屬違錯據此合行開坐糾彈

彈甲局官玉魯等抵搪造甲皮貨

欽奉聖旨條畫內一款節該造作不如法者委監察糾察欽此又照得上司元料每甲一副舉吊并裁線古狸皮一十張四分前制府劄付下甲局總管府該依年例計料釐勒人匠如法成造無致用別色低歹皮貨抵搪成造卑職於今年八月內體察得中都管甲局官玉魯楊三合自今年二月內造作至元五年常課已造訖甲一百二十副依元料闕訖古狸皮一千二百四十八張於內却用馬項子抵搪即問得玉魯等招說為闕少古

狸皮上是用馬項子作線是實却問得守支古狸皮人
高廷傑熟皮提控菜榮稱自至元六年六月內收支成
造五年皮甲古狸皮至七年八月內計收到古狸皮一
千二百五十三張俱係甲局王知事支訖又問得王知
事名實稱實闕訖古狸皮一千二百三十張據已造
了的甲數內委的四次用訖馬項子八十五個折訖古
狸皮一百七十張是實今來卑職叅詳既知事王君實
依料節次闕支訖上項古狸皮貨玉魯等不合却用馬

項抵塘事屬違錯合行糾呈

論革罷撥戶興煽爐冶事狀

今竊見各處鐵冶撥出戶計設立頭目管領周歲額辦鐵貨令人戶常川煽煉納官官民兩便今畧舉綦陽并乞石烈楊都事高撒合所管四處鐵冶見分管戶九千五百五十戶驗每戶包鈔四兩計該鈔七百六十四錠今總青黃鐵二百四十七萬五千六百九十三斤半價值不等該價鈔四百六十八錠二十三兩三錢二分半

比包鈔虧官二百九十五錠二十六兩六錢半及其人
戶俱各散漫住坐每遇秋冬煽煉逐旋勾集復往人難
豈為官民有辨如將上項戶計罷去當差許從諸人自
治窰冶煽煉據官用鐵貨給價和買深是官民兩便據
此合行具呈伏乞御史臺照詳施行須至呈者

碁陽

戶二千七百六十四戶每戶四兩計鈔二百二
十一錠單六兩

辦鐵七十五萬斤每十斤價鈔一錢計鈔一百

五十錠

赫舍哩

戶一千七百八十六戶每戶四兩計鈔一百四

十二錠四十四兩

辦鐵二十六萬斤每十斤價鈔一錢計鈔五十

二錠

楊都事

戶二千戶每戶四兩計鈔一百六十錠

辦鐵五十三萬二千三百三十三斤半每十斤

價鈔一錢該一百六錠二十三兩三錢半

高撒合

戶三千戶每戶四兩計鈔二百四十錠

辦鐵九十三萬三千三百四十斤計鈔一百六

十錠內

青鐵五十三萬三千三百四十斤每十斤價鈔

一錢計鈔一百單六錠三十三兩四錢

黃鐵四十萬斤每十五斤價鈔一錢計鈔五十

三錠一十六兩六錢

糾彈良鄉尉司非理拷勘劉德林事狀

欽奉聖旨條畫內一款節該巡尉捕盜官捉獲盜賊隨時發與本縣圓坐推問是實解赴本州再行鞫勘施行不得轉委吏人及弓手人等拷問欽此今體察得良鄉縣尉司於至元七年九月內夜本縣館驛內失盜於當

月二十五日有弓手高伯山涉疑捉到涿州人戶張德林不曾申官私下拷勘勒令虛招及妄指姐夫劉德林寄藏上項贓物將劉德林拿到亦不申官一面拷打為無証佐在後撒放於二十七日止將張德林申發到縣尉內有縣尉楊仲玉又將劉德林勾追到官重復拷問非理加刑尚為無措証明白事跡於當月三十日保放還家有劉德林於閏十一月十三日因拷瘡身死今問得尉司司吏劉君祥并苦主劉德林妻阿張并當元被

撫人劉得用詞因俱與所察相同今來叅詳高伯山止
是本縣弓兵別無拷勘問人體例及縣尉楊仲玉止憑
張德林妄指便加拷勘以致本人因瘡身死又於劉德
林劉得用等處掠取交鈔衣物有此違錯據此合行糾
彈

論肅山住等局人匠偏負事狀

伏見呂哈喇威管民戶內撥出人匠二百二十五戶內
謂如真定路長叅謀甄榮祖吳信魏友係納三定包銀

戶計餘者雖是不及例各酌中戶計然則一丁入局全家絲銀盡行除免近又將上項戶計撥付本局另行管領其人匠自來按月支請米四斗鹽半斤不時更有賞賜錢物其為幸民無甚於此且如肅山佳儲普化兩局人匠俱係迤北人匠拋失家業移來中都今全家入局造作又為衣食不給致有庸力將男女質典者至甚生受按月支請又無食鹽每口止得官糧二斗五升今來竊詳造作乃一體工役然成造之物固有輕重工役各

無間歇何其益糧不一若將上項局分相比據肅山佳
儲普化兩局實為偏負外據呂合刺所管民匠二百二
十五戶月支益糧合行從長定奪據此須合具呈

論六部職掌繁簡事狀

伏見朝廷設立六部其官吏品秩相同而職掌繁簡有
異如禮兵二部禮以祭祀為大而有太常寺兵以軍旅
為重而有樞密院今者錢穀造作一切等事盡歸戶工
至甚繁劇若曹務不有所分則緩急難於辦集合無酌

量敏憲簡令兵禮二部將可分之事一以兼管似為便當
且又職掌均一使兩部官吏免尸素之責不然繁者愈
繁而簡者日簡矣據此合行舉呈

論霸州道路事狀

竊見霸州部分俱該河流陂浸地面其驛程却係山東
正路據本州南至保定縣見行西道相去四十五里中
間經過橋梁七座每歲必須依時拆蓋更有修疊水口
去處其工役不細須旁縣協濟方可辦集甚是生受兼

西道元係前代阻障溇泊堤堰本非正路僅一十七里
止蓋橋梁三座若行莫金口東道官民實為兩便據此
合行呈覆

論革罷魚牙岸例事狀

伏見魚牙岸例等錢比年以來隨路俱無今體察得中
都通判等一十一處其魚牙岸例一依宣課三十分取
一至今徵收叅詳魚貨蓆葦一切諸物於所在已納數
重課程今者於上更為抽分此等錢穀實是重併兼見

蒙聖恩免差發減課額正為百姓生受故也據上項等
錢理宜罷去不然亦不當依宣課一體分役有此不應
合行糾呈

彈不孝子楊大事狀

蓋聞父母有婢子甚愛之雖父母沒終身敬之不衰况
父在之姬妾乎今體察得懷孟路總管子某冥頑無知
悖逆有迹近者將文才妾就於寢所輒行毆擊父方營
護隨即推仆致令乃父牒發本路究治其同僚看徇視

為細微在後畧無施行雖行路聞之莫不憤疾叅詳禮
義由賢者出豈有衣冠之胄而為禽犢之行如是其敗
壞風化孰大於此合行糾彈乞痛加懲戒以勵薄俗

舉三道按察司事狀

今山東東西河北河南山北遼東三道提刑按察使見
行闕員未經選注如山東道前任陳祐苟非其選罔繼
前聲河東道近為元維新事闔司被問威望沮弱山北
道上係重地闕員日久此三使舉惟其人能復震疊安

靖竊見前中書省給事中賈居貞揚歷朝省積有歲年
夙夜在公練達政體又廉訪得濟南府總管趙炳蒞政
以來民安盜息強幹著稱及吏部侍郎王倚通倘才能
和而有守既掌銓衡又稱公當論其才品俱各相應如
任以監司必能振舉綱維不負輿望據此合行舉呈

論順天清苑縣尉石昌璞繫獄事狀

竊見隨路州縣官如縣尉人員職小責重最為不易其
合捕盜賊百任終不獲至經年累月停罰俸給者幸有

一二強幹肅清所部宜加遷賞以勵其餘或事有罣悞情實可恕今體訪得順天路清苑縣尉石昌璞強幹有為巡捕得法察賊推情遂破窟穴自到任以來甫及一年擒捕強竊及印造偽鈔知名劇賊郝榮楊留兒等凡一十七起計賊黨九十八名俱係積年作過流毒數州所在官府皆不能制所謂不待教而誅者也致使保州方數百里間道途清寧稱頌在路誠消弭安靜巡捕之最者也今止為郝榮等事被問到部本部即行枷收同

其剽劫侵牟之勢深為未便據此合行申理

至元八年
六月初三

日尚書省

陳赦訖

論隨路交鈔庫令總管府提點事狀

夫時有通塞事貴改更故古人因時制宜不拘常法而
憚變更也竊見隨路鈔庫行用元寶鈔數多者三五千
錠少者不下二三千錠每歲差設庫官止憑一二保官
即聽注擬近年以來如失陷去處雖監督正人及著落
元保領管陪納數足至經涉數年往往有破家不能結

絕圓備者兼保官多不親即故出於一時面分又何嘗計保者家產之虛實錢穀之果能通曉也方今鈔法極是通快但委用非人稍有侵陷便是一路鈔法因人為累少有澁滯足滋長奸弊與其治於已然無可耐之後何若防於未然易為力之前愚見今後合無公同選舉其抵業信實委通錢穀人員勾當就令本路總管府官每月以次計點見在提押赤歷其府官却不得因而恃勢借貸官錢違者許庫司申覆上司照驗如此使朝夕

得相臨視上下遞互關防官無失陷之虞人遠奸欺之
弊照中統元年以來已曾依上施行至甚便當今各庫
雖按月赴提舉司申報單狀亦歷於關防實無所係蓋
非切近臨視中間作弊既無畏避又不能即時知覺究
治是申押本司徒常例虛行而已據此合行舉呈伏乞
照詳定奪施行

論待闕官預為照會各處事狀

竊見省部將隨路守闕官員不計月日遠近受除後即

行下各路照會曰某年月日某代某甚者至於預徃任
所守待要結所在風俗凋敝至一方吏民將舊官輕視
滅裂或督責所行則曰汝計日去官耳見任者既為齟
齬不苟且保祿為心以俟其去者幾何人斯如此是官
府吏民上下離合且使無事猶云不可况軍民宣課工
匠一切事務今皆取辦州縣中間脫有失悞利害所關
非輕今後合無除將守闕人員令祇受還家聽候外省
部驗赴任月日既近然後照會各路似為未晚能然庶

幾官民去留之際兩得安便不致上下苟且耽悞一切事務深為便當據此合行舉呈

論外任官展裏公服事狀

竊念古人制作冠服蓋所以別上下立尊嚴也今者隨朝百官與隨路管民官上自宰相總府官下至簿尉其品從散官俸祿公田子孫廕叙等事略皆備具獨公服展裏之禮未見施行合無照依舊例使各官自備冠服公廳展裏事理如此不惟見國家禮文有漸其於官府

威儀實為尊崇

論撫勞襄陽軍士事奏狀

竊惟古之用人能盡力忘死者不過下通物情憫其勞苦說以使令而已兼兵以氣為主所貴感發振作不致有懈怠思歸之意戍役雖久事功可成伏見襄陽之役以十萬衆頓堅城之下經今四年暑天災瘴攻守暴露不戰而疫死者無日無之即日已屬災瘴江水向發設如去歲夏宋人復以舟師來援內以窮寇必出相應其

利害所關非輕當此正帥臣籌畫之秋將士竭忠之時也今省官雖節制於上朝廷固宜特與撫勞感發人心振作士氣以愾所敵此以夜戰聲相同晝戰目相見之意也以某愚見合無聞奏選差近侍信臣奉將恩命詣彼軍前宣諭撫慰使功過兩明賞罰必信然後序其情而憫其勞使三軍之士僉曰我之生死有所歸矣我之勤苦為上知矣既喜如此雖以歲月置之重地人將奮發忠義心力一殫勇氣自倍而親上死長以為當然所

謂悅以使民民忘其死且使煩暑可變為清涼矣兼襄陽窮寇料其時勢日就困蹙似宜重懸賞格射書城中諭以禍福有能擒致主帥或番城出降者授以某官某賞至於軍校預謀有功各以次論授外據老弱疾疫軍人既非精壯可用復使疫氣蒸染又為未便有無分揀暫還休養如此則人有所望去留兩安故兵法云視卒如子可與俱死兼丞相史公去歲已曾如此施行師律軍心兩實貞順以時勢觀之據上項事理恐亦是一法

伏乞御史臺照詳間奏施行

論宣課折納米粟實常平倉狀

竊見隨路起蓋常平倉廩二千餘間已是功畢今秋豐收見得官為和糴以實廩庾然有未便者如近年上都中興西京等處和糴糧斛所委官吏徃徃作弊官錢既為欺隱糧斛又不數足隨復差輟省部官打筭追徵經隔數年不能結絕不惟官司紊煩公家急無所濟體訪得去歲尚書省為山東道軍缺乏糧儲將附近州郡課

程折納米粟接濟甚是便益合無照依已行事理越夏
麥收成及向前秋收將農民六色課程約量折納粟豆
等物公私實為兩便免致有欺隱紊煩之弊據此合行
舉呈

論州縣官經斷罰事狀

竊惟禮義廉恥國之四維諺又云無瑕者可以戮人今
切見任途之間廉恥道喪贓濫公行自立部以來州縣
百官徃徃贓濫不公經值斷罰者每選不下數人例皆

遷叙不過降等遠而已。參詳爵祿者礪世磨鈍之具。據見行降遠格例係亡金敝法。固非懲惡勸善之道。似不足取。兼州縣字民之官務。要宣明教化禮義。興行乃所任責。後身經斷罰處民之上。豈惟內懷慙德。先不自安。部內之民將化服。何欲望四善具五事備。難矣。照得唐例。職官任終。驗所犯輕重。有數年停勒之法。合無依倣定奪。如贓濫不公。罪應罰俸。至幾貫以上。及經斷及若干者。今後盡行停殿。庶幾懲一勸百。遠去甚者不致

敗羣使士興廉恥之風俗被肅清之化四維張皇內外
之職修矣

秋
澗
集
卷
八
十
九